

國朝宮史

國朝宮史

國朝宮史

卷之八

典禮四

宮規

謹按欽定宮中
現行則例開載編錄

一位號

本朝定制

皇帝尊

聖祖母爲

太皇太后尊

聖母爲

皇太后居

慈寧

壽康

寧壽等宮奉

太妃

太嬪等位隨居

皇后居中宮主內治

皇貴妃一位

貴妃二位

妃四位 嬪六位分居東西十二宮佐內治自

貴妃以下封號俱由內閣恭擬進

呈

欽定冊封 貴人 常在 答應俱無定位隨居十二宮勤

修內職

一宮女子額數

皇太后宮十二名

皇后宮十名

皇貴妃位下八名

貴妃位下八名

妃位下六名 嬪位下六名 貴人位下四名常在位下

三名 答應位下二名

一

內庭位次各有差等須各依本分位次謙恭和順接上以

敬待下以禮非本宮首領太監女子不可擅行使令

一 皇帝駕臨內宮本宮居住之

內庭等位咸迎於本宮門外立俟

駕至隨行進宮

駕回仍送於本宮門外若

皇后駕臨各宮迎送之儀亦如之

一

內庭等位遇娠每日食用照常額加半有生母者許進內
照看本宮首領太監照常上夜外宮殿監奏派總管太
監一員率敬事房太監及御藥房首領太監等上夜

一凡

皇子誕生未

賜名者皆稱

皇子不按位次稱呼蒙

賜名始稱

皇幾子其

賜名之例由宗人府奏請奉

旨後內務府知會宮殿監宮殿監奏交內閣擬嘉名具摺呈覽恭候

欽定後宮殿監知會內務府轉行宗人府登記俟恭修

玉牒載入

一凡

皇太后

皇后

皇貴妃

貴妃

妃 嬪之父姓名官位宮殿監敬謹登記遇恭修

玉牒由宗人府奏請咨行內務府轉行宮殿監宮殿監查

明繕摺奏

聞後交內務府轉行宗人府載入

玉牒恭逢

皇子 公主誕生其年月日時係

內庭某位某氏所生宮殿監敬謹登記遇恭修

玉牒載入

皇孫 皇孫女並同

一 內庭等位父母年老奉

特旨許入宮會親者或一年或數月許本生父母入宮家下
婦女不許隨入其餘外戚一概不許入宮

一各宮首領遇年節奉主命往外家或以事故慰問前
往者不許傳宣內外一切事情宮殿監時加稽察倘不
加稽察別行發覺者將宮殿監與犯者一並從重治罪
一凡已出宮女子不許復進宮出入妄傳內外一切事
情亦不許差人至宮門與本主請安

一凡各宮女子不許與太監等認爲親戚非奉本主使
令不許擅相交語並嘻笑諠譁各宮小太監許於本宮
內掖門出入每夜起更時各宮首領進本宮查看燈火

畢隨出鎖掖門報知敬事房

一凡宮殿監等處太監行路或遇各宮女子皆讓女子走過再行不許攙雜爭路

恭進

實錄

聖訓

每過恭進

實錄

聖訓由內閣奏請行內務府知會宮殿監是日宮殿監傳派舉案首領太監等具蟒袍補褂齊集 乾清門俟侍衛等恭舉

實錄

聖訓黃案至宮殿監率首領太監等接舉宮殿監領侍二人前引由丹陛進 乾清宮暖閣交本房官員敬謹安奉畢宮殿監設香案俟

皇帝前朝禮畢還宮時恭請

詣香案前行禮

御寶開封并請用

每歲正月欽天監豫擇吉日開

寶掌儀司知會宮殿監先期奏

聞屆日宮殿監率

交泰殿首領太監等設供案殿中

香燭果酒之品各具

行三跪九叩首禮應吉時開封陳

寶於案奏請

皇帝拈香行禮禮畢捧

寶貯匣內如儀

歲暮封寶欽天監豫擇日期前一日內閣具奏屆日內

閣學士一員率典籍詣乾清門門左設黃案宮殿監

率交泰殿首領太監恭啓寶匣捧

寶出陳案上學士率典籍等洗拭如儀畢交泰殿首領仍

捧入恭貯於匣其封

寶之儀與開

寶同

恭遇

皇帝巡幸啓鑾之日內閣學士一員率典籍至 乾清門請

寶宮殿監率 交泰殿首領太監捧

寶出交學士祇領馳送

駐蹕行宮交總管太監收入至

回鑾日學士等仍由

駐蹕行宮領出捧至 乾清門交宮殿監宮殿監率 交泰

殿首領太監捧安原處

凡一應

誥勅用寶內閣先期列件具奏屆期內閣學士一員率典籍
會同總管內務府大臣詣 乾清門門左豫設黃案宮

殿監率 交泰殿首領太監捧

寶出於黃案上驗同押用登記數目訖學士退宮殿監等捧

寶入恭貯原處

進時憲書

每歲十月朔欽天監恭進時憲書先期掌儀司知會宮

殿監率各該處首領太監等具蟒袍補褂齊集 乾清門俟禮部欽天監官員恭請時憲書至宮殿監領侍一人恭捧

御覽時憲書宮殿監副侍二人前引由 乾清門中門進至御前候

皇帝御覽畢交 懋勤殿首領太監收貯是日

皇太后宮總管太監亦由掌儀司知會率本宮首領太監等具蟒袍補褂齊集本宮門俟禮部欽天監官員恭請時憲書至總管太監一人恭捧

聖覽時憲書本宮首領太監二人前引由本宮中門進安皇太后宮是時宮殿監副侍一人恭捧

皇后時憲書本宮首領二人前引亦由 乾清中門進安交泰殿其

皇貴妃

貴妃

妃等位時憲書本宮首領太監一人捧進本宮太監二人

前引同時隨行

進春儀

每歲立春順天府例進春先期推歲干支及立春日時爲春圖飾土牛芒神作春山各爲一案恭進

皇帝

皇太后

皇后先一日具春座舁送禮部至期兼管府尹府尹府丞具紅本與禮部堂官俱朝服集午門外順天府屬官員率護春吏舁春座至府學生員七十五人接舁由中門進兼管府尹府尹奉恭進

皇帝

春座由昭德門進止

後左門外宮殿監由掌儀司

知會豫率各首領太監等蟒袍補褂暨鑾儀衛太監祇候欽天監博士一員報時刻鑾儀衛太監出奉春座至乾清門兼管府尹跪進紅本并春圖總管一人接進啓門首領太監等接舁春案由乾清中門進陳於乾清宮西暖閣

皇帝御覽畢仍請出交內務府官員昇至 太和殿東暖閣
奉貯將舊歲所進輦出其恭進

皇后宮春座隨

皇帝春座至 乾清門本宮首領太監等接奉隨由中門進

宮殿監副侍二人前引陳於 交泰殿

皇后覽畢仍請出交內務府官員昇至 保和殿東暖閣奉
貯將舊歲所進輦出時順天府府丞同禮部官員奉恭
進

皇太后宮春座由 熙和門出詣 永康左門外本宮總管太

監亦先由宮殿監知會率本宮首領太監等暨鑾儀衛
太監祇候府丞跪進紅本并春圖首領太監等接春座
總管太監二人前引至

寶座前陳於左

皇太后懿覽畢仍請至 前殿暖閣奉貯將舊歲所進輦出

安設天燈

每年十二月二十四日 乾清宮丹陛上左右安設

萬壽燈二座丹陛下左右安設

天燈二座屆日總管內務府大臣率員役由 乾清門舉燈

竿進宮殿監率首領太監關防樹燈竿訖即懸掛天燈

自此日爲始每晚上升燈至二月初三日出燈之日爲止

其

萬壽燈自樹竿之後左右各懸

萬壽寶聯十六幅

每幅兩面俱繡金字聯句左正南曰萬國慶成寧爰階樂昇平午夜銅壺歌管聲連紫陌一人宏敷錫政同賈保定千秋金鑑圖陵象叶形塋正北曰蘭若翳翠逐時繁

熊熊丸九輝映處滿闌松柏火齊木難同夜永麟麟炳影搖中昭回日月山川正東曰履泰升恆銀燭映三階朱耀華榮照徹冰室凝海嶽晉離觀豫金枝分百子翠旌銅錯露承仙掌燦星辰正西曰宮中聖誕天上元宵皓月映星聯闈輝煌迴斗柄歲首香陽人間佳節晴霽連日麗衣冠拜舞觀龍顏東南曰九微光啓重輪南極祥符萃萬國靈圖亘天申有秩四照香傳復旦東皇寶燭凝三辰瑞靄集嵩祝無疆西南曰祥光迴

碧落肇八千歲春八千歲秋彩映瑤林寶炬壽獻彤庭環五百里侯五百里旬欣陪鳳輦擎峯東北曰離照迴當天期億萬年華渚祥流長並月輪照萬葉泰階方入旦更三五夕嵩呼聲動重開蓮炬燭三垣西北曰九

枝萬象樂千秋清暇雍熙龍燭雲中香飄玉殿七采百華喜四表祥烟燦爛紫山浮海上景耀丹堦右正南曰丹霄灼燦燦靈葩麟符鳳彩開祥奕奕霞輝傳寶勝紫極昭同簫翠靄青海赤城獻瑞重星彩麗冰輪正

北曰彤廷分燦火珠斗常明願聖壽無疆長見流輝六宇紫極聚陽和銀花永燦望天顏有喜深思同樂千春正東曰九旒端拱知臨照無私看翠甸黃輿並入光明燭裏一曲清平見雍熙有象願紫霞紺露常流長樂鐘

邊正西曰蓬萊日永杯舉獻南山玉燭長調一統乾坤歸朗照闔天開衣冠迤北幽金莖共挹八方河嶽偏清輝東南曰瑞日麗璇霄喜五夜蓮光萬樹千花迴應虹流電繞祥烟輝寶炬聽九天鈞奏六黎三島環瞻華

峙嵩高西南曰華燭叶青桐看北斗聯珠影重蟠頭遙拜九重天上瓊霄連紫氣正西池獻壽香生鳳羽翠晚五色雲中東北曰青陽開三五之曜視當年桂火蘭烟未若輝騰玉陸紫極符八千之紀卜異日椿靈松茂常

如彩溢金輪西北曰六鰲恆戴極三山拱望月以流光千載啓長春之算雙鳳共鳴和九有望卿雲而紀瑞萬方開不夜之城

至除夕於

皇帝陞

保和殿筵宴時總管內務府大臣仍率員役由

乾清門進換聯安燈並安設兩廊暨甬道石欄上燈是夕暨元旦正月十一十四十五十六等日俱上燈至正月十八日出燈其上燈之夕宮殿監傳各該處首領太監等伺候屆時宮殿監副侍一員從乾清門引掌儀司音樂首領太監等至丹陛上兩邊排立營造司首領向上行一跪一叩禮贊上燈敬事房首領太監一名同

乾清門太監一名在

乾清門簷下起標燈丹陛清

樂作奏火樹星橋之章

曰火樹星橋欄煌煌燈月連宵夜如畫春風料峭鈞天奏徹奏

嵩祝聲高（一解）分明是洞天是絳霄分明是靈臺靈閣靈沼更春光乍到景物喧妍雨霽饒又黃上柳條漏洩青陽在野橋（二解）賀聖朝世德遙瞻瞻日麗層霄聖祠聖明繼照萬民歡樂萬方熙皞昇平節瑞應昭瑞顯靈寶殿開法曲雲璈奏龍天矯嵩祝聲高（三解）金支鬱氣飄西吹琉璃四照影娥池鳳燭燒百子池遊燕龍膏九華燈象烟消寒星燦燦綴銀霄蟾穿九曲珠光耀好良宵是皇家景福酒酒（四解）滿山椒花簇百枝嬌月輪正高燈和月一片冰霄是皇家景福酒酒（五解）殿當中龕座高春悄銅壺漫敲笙歌于萬里而遙是皇家景福酒酒（六解）良宵正好正好良宵看皇都萬井多娛樂良宵正好正好良宵蓬壺清竇銀海光搖百和香霏瑤島紫羅襪繡綵花陰匝東風吹飽同慶清朝（七解）小梅梢暗香浮動淡烟篩罩月上柔枝露滴輕苞今宵裏巷舞衢歌遍寰瀛同慶清朝（八解）願春光年年好三五迢迢不夜城燈月交輝慶歡喜朝朝成兩

成洞萬朵護祥雲帝霄（趨辭）

營造司太監上

萬壽燈各該處首領太監等上兩廊及石欄燈上畢樂止各

退

張掛春聯門神

每歲十二月二十六日張掛春聯門神先期工部奏聞至日外朝三大殿等處工部內務府官員督同匠役人等張掛其內廷等處由門神庫太監先期報知宮殿監宮殿監傳齊營造司首領太監舉進先自乾清門乾清宮以及各門各宮等處驗明左右敬謹張掛次年二月初三日仍傳營造司太監等收下交門神庫太監領回收貯

張掛

宮訓圖

每歲十二月張掛門神春聯之日宮殿監傳知十二宮首領將各宮

欽定宮訓圖敬謹張掛次年二月收門神之日仍行收貯

景仁宮燕姑夢蘭圖

御製贊曰乙始啓商蘭亦徵穆吉人在宮天使詒穀國香揚揚掌夢其卜疇彼小星三心五噉椒聊遠條爰昌七族鄭多君子宣尼所錄

承乾宮徐妃直諫圖

御製贊曰元成有言願爲良臣流風丕振乃自宮嬪徐妃上書東征抗陳惜哉唐宗納而弗斷外事征討內營宮館頓忘初年如園斯轉

鍾粹宮許后奉案圖

御製贊曰后母天下首崇儉德坤順承乾柔嘉維則繄惟許后貴而能抑不忘寒微車服是飭日朝長樂用修婦職懿彼芳型永爲後式

延禧宮曹后重農圖

御製贊曰稼穡惟寶王政所崇襁褓耒耜必親必躬維宋曹后播種於宮彷彿親蠶獻繭效功克勩內治聿著芳蹤嗤彼雕鏤何事傷農

永和宮樊姬諫獵圖

御製贊曰先民有訓聿戒禽荒卓彼樊姬感悟楚莊有肉弗御乃止王欲一語進賢霸功以下不謂婦人克相其君邈矣邑姜十亂稱臣